

## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

8. Castigationes diuinas, tamquam ab amante, non persequente Deo,  
susciendas esse.

**urn:nbn:de:hbz:466:1-45686**

*Cap. 1. Deum, nec sine justitia, bonum; nec sine bonitate, justum esse.* 5

fuit. sensit illico, se in vindictam D E I, velut vespertilionem in ob-  
uium ensem, incurrisse. Nam confestim graui morbo correptus,  
visceribus putredine exesis, pœnas meritas luit. Stercus non per  
naturales corporis partes egerebat, sed per sceleratum os blasphe-  
miae instrumentum. Cui vxor, quæ Christiana erat: *Debes meritò  
mi vir*, inquit, *Christum Salvatorem laude predicare, quod tibi hac  
castigatione potentiam suam ostenderit.* Nam, quem oppugnasses, planè  
te peremisset, nisi, consuta sua lenitate, *vñs*, has plagas diuinitus tibi  
inflixisset. Miser, aut coniugis oratione, aut potius cruciatu mor-  
bi, quo liberari cupiebat, adactus Imperatorem rogare cœpit, ut  
Ecclesiæ ablata redderet. Quod tamen filicem in pectore gerenti æ-  
grotus orator non persuasit. Ita iuit ad plures, postquam ictus cæ-  
pit sapere. Utinam didicisset sapere ad sobrietatem, neque plus  
morbo suo, quam D E I offensâ doluisse! expertus profectò esset,  
se morbo sanatum; sine morbo, insanum extitisse.

Quamobrem rectè Tertullianus tradit, omnia D E I plecentis  
opera, esse bonitatis procreationem, itemque iustitiam ac bonita-  
tem D E I indissociabiliter semper fuisse sociatas. *Quomodo non ab-  
surdum fuerit*, inquit Theodoreetus, litteratorem quidem, qui, ad  
tempus, pueros cadit, & ferulâ ignavia torporum excutiens loris, firmam  
litterarum memoriam infigit, collaudare; & medico gratiis agere,  
non modo, cum cibum potumq; laboranti præbet, verūmetiam, cum se-  
cat, vrit, & morbo se hostiliter opponit, ne ille auctus ulterius serpat, pro-  
hibens: Deum vero, qui, longè vberiori sapientia, & diligentiori cura ani-  
marum saluti profficit, & bonorum largitione, flagrorumq; metu vir-  
tutis elementa nos edocet, ac malitia morbum radicitus euellit, solidamq;  
anima salutem operatur, blasphemias ac connicijs proscindere? Ut ergo  
percussio Magistri, vt sectio Medici, non malitiam, sed peritiam  
Magistri Mediciue ostendit; ita neque illa, quæ vulgo mala pu-  
tantur, sunt à malo, sed à bono DEO, qui, quos amat, arguit &  
castigat, ac ob id ipsum vicissim est amandus: vt vel Plato agnouit,  
quem idcirco Irenæus Marcionitis religiosorem esse pronunciauit.  
Potuisset dicere, etiam quibusdam Catholicis esse religiosorem;  
qui, cum in tranquillo non sunt, mala, quæ patiuntur, non amori,  
sed odio diuino ascribunt; aiunt enim, se, *Deo irato suo, negotium ag-  
gressos*; *Numini exosos esse, superisq; omnibus iniisos*, quando aduersi

VIII.  
Tertull. liba.  
2. cōtr. Marc.  
cap. 12. usque  
ad 18.  
Theodoreetus  
serm. 5. de  
Prouid.

Apostol. 3. 19.  
Plat. lib. 4. de  
Legib. vide  
Eugubin. lib.  
5. de perenni  
Philosoph.  
cap. 8. Iræn.  
part. 3. c. 45.

6 Cap. II. Non omnia mala esse, quæ mala putantur.

aliquid perpetiuntur; sententiâ prorsus diuinis litteris aduersâ,  
Matth. 5. 10. cùm, in illis, beati vocentur, qui propter iustitiam, persecutionem pati-  
Ioan. 16. 33. untur; & charissimi Deo dicantur, in Mundo, pressuram habituri.  
Quod si perpenderent isti, minùs multò audacter quiritarent,  
quàm nunc quiritant, & linguam ad suos potius mores diuerte-  
rent, quàm ad accusandam diuinam bonitatem.

C A P V T . II.

Pleraq; quæ vulgo mala dicuntur, bona esse; aut in bo-  
num usum, posse adhiberi.

I.

**G** D communem Mundi gubernatorem pertinet, eadē  
lege, eademque naturæ conditione, vt erga omnes, vt di-  
**G** ci possit: Rex Iuppiter omnibus idem. Necesse igitur fuit,  
vt ignis vim vrendi æquè, ac lucendi; & omne corpus, ex elementis  
conflatum, perinde interitum suum, ac ortum haberet; neque ea,  
quæ ad rerum generationem atque corruptionem spectant, prohi-  
berentur. Hinc morbi, mortes, & multa, quæ mala vocantur,  
intercurrunt: quæ quando rerum naturis conuenienter condidit  
Devs, non vtique iratus fuit, cùm non haberet, cui irasceretur.  
Vt sol omnibus lucem circumferret, moueri debuit; si moueri, oc-  
cumbere. Nec enim rursus oriri posset, si non occumberet. Quare  
necessaria est noctis & diei vicissitudo. Nec homines hominibus, in  
officijs, in regnis, in potestate succederent; si non decederent, qui  
ea priùs habuere.

II.

**C**est. 2. 2.

Tertull. in  
Apologet.  
adversus  
Gent. c. 41.

Per hæc, æterna sapientia ita Mundum gubernandum ju-  
dicauit, vt, quæ malis mala sunt, quia ipsi nesciunt viri, ea bonis  
bona fiant; & hinc isti viuant, sicut lilyum inter spinas; illi, sicut  
asinus inter apes. Hac de causa Gentes ita alloquitur Tertullianus:  
*Qui semel (Devs) aeternum iudicium destinavit, post seculi  
finem, non precipitat discretionem, quæ est conditio iudicij, ante seculi  
finem. Equalis est interim, super omne hominum genus, & indulgens  
& increpitans. Communia voluit esse & commoda profanis, & incom-  
moda suis; ut pari consortio omnes & lenitatem eius, & severitatem ex-  
periemur: quia equitatem didicimus, apud ipsum, diligimus lenitatem,  
metuimus severitatem. Vos (Gentes) contra utramq; despicias: & se-  
quitur,*